


TIADA POLISI PAKSA NAIK GAJI PEKERJA

U.M. 23 OCT 1992

Oleh
Sopha Sulaiman

ALUR SETAR 22
Okt. — Perdana
Menteri, **Dato' Sri**
Dr. Mahathir Mo-
hammad berkata, kera-
jaan tidak akan me-
ngadakan satu polisi
untuk memaksa gaji
pekerja kilang di ne-
gara ini dinaikkan
walaupun sektor in-
dustri mengalami ke-
kurangan tenaga ker-
ja.

Kata Dr. Mahathir, beliau



DR. MAHATHIR ..yakin
pendapatan pekerja kilang
akan meningkat.

yakin pendapatan pekerja
kilang di negara ini lambat
laun akan meningkat dengan
sendiri apabila berlaku keku-
rangan tenaga kerja.

Namun demikian kerajaan
berharap kenaikan gaji itu
akan seiring dengan peningka-
tan produktiviti sesebuah
kilang itu, katanya ketika beru-
cap di majlis jamuan tengah
hari dengan para pelabur di
negeri ini, di sini hari ini.

Perdana Menteri bagaima-
napun berharap, kekurangan
tenaga kerja tidak akan meng-
halang para pelabur untuk
terus datang melabur di nega-
ra ini, sebaliknya mereka perlu
menggunakan teknologi yang
lebih efisien yang tidak me-
merlukan ramai tenaga kerja.

Katanya, pendapatan peker-
ja di sektor industri di negara
ini walaupun rendah jika di-
bandingkan dengan negara-
negara maju, tetapi lebih baik

LIHAT MUKA 2

— PM —
KILANG

TIADA POLISI PAKSA
KILANG NAIK GAJI PEKERJA — PM

dari setengah negara ASEAN.

Dalam **hubungan ini juga Perdana Menteri berkata**, majikan **juga** hendaklah **menyokong** pekerja kilang di negara **ini** supaya menubuhkan **korporasi sendiri** untuk menjaga kebajikan mereka.

Dengan **cara itu juga**, kata Dr. Mahathir **pekerja-pekerja** tidak akan **mudah** terdedah dengan hasutan pihak tertentu untuk menuntut kenaikan gaji yang terlalu **tinggi**.

Katanya, kerajaan **amat memberi** perhatian terhadap masalah kebajikan pekerja di negara **ini** dengan menjelaskan kepada mereka **tanpa** bergantung kepada pemimpin kesatuan sekerja.

Kerajaan tidak mempunyai sebarang motif dalam perkara **ini**, tetapi kerajaan bertanggungjawab untuk mengurangkan **pengangguran** sebanyak **mungkin** dengan menyediakan pekerjaan kepada rakyat negara **ini**, kata Dr. Mahathir.

Sebaliknya, kata beliau, pihak kesatuan sekerja pula lebih berminat untuk berjuang terhadap **orang-orang** yang telahpun mempunyai **pekerjaan**.

Dalam hal **ini juga Perdana Menteri** meminta **para** pelabur **memberi** kerjasama untuk **membantu para** pekerja mereka dan kerajaan sedia **campur tangan** sekiranya diperlukan untuk **memberi** sebarang nasihat.